

SERENISSIMI ET
POTENTISSIMI
MONARCHÆ,

CAROLI,
DEI GRATIA, MAGNÆ
BRITANNIÆ, GALLIÆ,
ET HIBERNIÆ REGIS,
FIDEI DEFENSORIS, &c.


COMITIA, Calata, Pacifica, SCOTICANA, EDINI
habita, Mense Iunio, cio DC XXXIII.


Authore Georgio Robertsono, Abredonano.

Si fieri posset, quantum in vobis est, pacem cum omnibus habete.



ABREDONIÆ,
Excudebat Edwardus Rabanus. 1633.





MVSARVM PATRONO
BENIGNISSIMO, ABREDO-
NENSIVM PRÆFECTO PRU-
DENTISSIMO, DOMINO PAULO
MENEZIO, D. à Kinmunde,
S.

REGIS Pacifici funera, qui prius
Deflesti; CAROLI, nunc hilaris, vice
Versâ, regia magni
En, COMITIA Principis
● Depingis: comites aucta per optimos
PACIS, (sepositis MARTIS honoribus
Nondum) gaudia chari
Ob Regis reditum canis
MUSARVM decus, & Pacis amabile;
Cingis, Palladiâ fronde, comam tuam,
Suffulcis BON-ACORD, &
Cives unanimes facis.
Ad te confugiunt, accipe carmina
MENEZI facilis; perlege, nam colunt
Te, Pacis studiosum,
CORDIS, præsidium BONI.

T. S. Addictissimus,

G. ROBERTSONUS.





COMITIA CALATA SCOTICANA.

Christicolas inter, quid bellum concitet; aliam
De Cælo, Pacem ad terras, pia Numina mittūt
Spectatum: cæcos populi, mutare tumultus,
In placidam requiem; pacis præscribere leges
Æternas, dirum Martis transferro furorem,
In Turcas sævos, à membris mitis IESU

Hortantur. Citiùs dicto, secut aëra pennis,
Pax monitis parens, terras lustraverat omnes:
Undique disidium, lites, præfagia belli
Crebra, sibi nusquam sedes, sed prælia cernit:
Gentibus, hæc gentes, Pax implacabile bellum
Indixisse videt, populi, Regumque ruinam:
Cladibus his belli occurrens, Pax optima multis,
Membra diu distracta, sagax unire laborat:
Ast quibus utatur mediis, ignorat (amica
Omnibus) ut corpus capiti jungat IESU;
Æstuat instabilis, nunc hac, nunc fluctuat illuc,
Impatiens belli, partes se versat in omnes:
Inventaque viâ tandem, quâ, fœdere jungat
Perpetuo Reges, statuit Comitìa pacis,
Cunctis, quæ CHRISTUM recolunt, indicare regnis:
Verum, quo melius, fungatur munere capto.

Omnes per gentes, Pacis dispergit alumnos;
 Conciliis adsint qui Regum, mentibus aptent
 Bellorum finem, constantem Pacis amorem:
 Per Cimbro, hi diffusi, Batavos & Iberos,
 Et Gothos hostes Aquila, seroque Draconi:
 Pro se quisque, piam Pacem, præferre jubentur.
 Ipsa, Britannorum, felix consedit in oris:
 A quibus, hæc voluit, fieri primordia Pacis,
 Gentibus externis, percussis cæde virorum.
 Concilium, Martis commotus cladibus Anglus,
 Ancipitis Iani, prudens in mense coegit:
 Compositis illis, cunctis pro tempore rebus,
 Ad Scotos, se Pax vertit, præsaga futuri.
 Insinuata bonis, diri dat tadia Martis,
 Propositique memor Pax, cum Comitia Regis
 Instarent, (tempus speratum) & mensis adesset
 Iunius, hæc magnâ, procerum comitante caterua,
 Infert se sociam, Scotis Concordibus ipsam.
 Magnates regni, primique ex urbibus, omnes
 Certatim Edini, proceres cum Rege, frequentes
 Convenère, die dicto, coit omnis in unum,
 Regius hic cætus, non tam Comitia, chari
 Visurus populi, quam CARLUM numine Regem.
 Divino Anglorum, Scotum, diadema paternum
 Gestantem, clara suffultum stemmate, Regum
 Scotorum, populo fas, & moderamen avito
 Dicentem e solio, primorum ritè vocato
 Concilio, quos inter, erat Menezius heros
 Abredonanus, sua dans suffragia, legum
 Prescriptis, qui cuncta bonis memoravit amicis
 Civibus, & fastis, arrepto tempore, scribi
 Iussit, ut immemores nulli, post sera nepotum
 Secla forent, quorum paucis, describitur ordo.
 Occurrunt ergo proceres, in limite Regni

Regi,

Regi, gratantur reditum, reducemque salutant,
 Latitiâ affecti magnâ, plausuque secundo,
 Intento Regi, demissâ hæc voce loquuti.

SALVE, certa salus Patriæ, solamen ævitæ,
 Progenies, Regum clarorum maxima, SALVE
 Sol Boreæ, tenebras pellens, & frigora, Scotos
 Luce, calore fovens, vitæ post bis tria lustra,
 Exoriens iterum, diffuso lumine, charam
 Ad Patriam remeans, placidâ quam fronte serenas,
 Expectatus ades, Rex formidabilis orbi:
 Te, grandes natu procures, generosa juventus,
 Iustitiæ celebris, geminæ Collegia sedis,
 Et Bon-acord Urbis Consul, totusq; Senatus
 Te salvere jubent Dominum, Regemq; potentem,
 Tutamen Patriæ firmum, charumq; parentem:
 Submissi, genibus flexis, manibusq; supinis,
 Excipiunt hilares te, & lætâ voce salutant.
 Te, Patria ambabus charum complectitur ulnis,
 Lætâ fovens gremio, fragrantem exhalat odorem:
 Et circumfusus, ambit te floribus, ausa
 Compellare suum patrem, sermone modesto.
 En, simulatq; pedum, tetigisti limina plantis
 Scotorum, Zephyri spiravit gratior aura,
 Cælesti, segetes humectans rore, rigavit
 Imber, Sol frugum proventum, clarior auxit:
 Et sequitur pleno, Princeps te, copia cornu,
 Ditis Amalthææ, quò te sors cunque vocavit.
 VIVE memor Patriæ chara, finesq; tuere,
 Hostis ab incursum diri, sevisq; tyrannis,
 Nate DEO, magno nec enim, sine numine divus,
 Tu, Regni perstas moderator triplicis, unus
 Prudens OEconomus, ducens ab origine Regum
 Brussorum regimen, felix à prole Fleanchi
 Cognomen, decus egregium Banchonis, in omne

*Ævum, perpetuos quod jam duravit, ad annos
Sex centum, perstatque virens, te sospite semper
Florebit, gliscens per secula sera nepotum.*

*Morigeros cernis procures, populūque sequacem,
Publica, qui semper curant, & commoda regni,
Privato, anteferunt lucro, primoribus illis
Consule, tu nostra columnen, Rex optime vita:
SALVE noster Amor, succede penatibus, ultra
Nativis. Proceres Patrio, Rex ipse vidissim,
Amplexu excepit, dictis ita fatur amicis,
Scotorum sedes video, vultusque meorum,
Agnosco letus, Regni tutamina prisca
Firma, viros in pace bonos, & robora Martis:
Exoptata mihi tellus salve, mea cura
Prima, Viri fortes, Cives salvete fideles;
Prosperet adventum, faveat fortuna precamur
Captis, ad dignos, perducant numina fines.*

*Nec minus ardebat CAROLVM, plebs Scotica Regem,
Quam procures, animi retegens ferventis amorem.
Qualis in absentem, sponsa, solet esse maritum,
Primus amor, charis quarentem commoda gnatis,
Exacto, crescit longo sed tempore major,
Si reducem videat, gnatos & tecta tuentem,
Tum petit amplexus; sponso & dependet ab uno:
Talis amor populi in Regem, cum principe talis
Congressus, deamant omnes, nutūque sequuntur.*

*Interea pubes regali Scotica, pompa
Immiscens sese, Regem comitatur, euntem
Edinum, Regi charam, regnoque minacem
Metropolin, Regum donis, opibusque potentem:
Huc ubi deveniunt, porta panduntur, & urbis
Obvius it CAROLO præsēs, clavesque tetendit
Supplex, primatum Regi, regimenque suorum
Tradens, Patricios inter, civesque togatos,*

Adstant

Adstans, extemplo Regi, sic ore profatus.

*In cunis, dixisse ferunt, Rex inclyte parcas,
Cùm CAROLUS mundo, Francorum maximus heros,
Ortus erat, (non hic Regnum nascetur ad unum)
Hoc, de te, dici posset, non nasceris unum
Ad regnum, nam trina tibi sunt florida CARLE,
Urbes innumera, cives qui quidlibet audent,
Pro Patria famâ chara, Regisque salute,
Edinum, hoc proceres spondent, & mobile vulgus:
Perge, aze, paciferis rege rex virtutibus orbem;
Consilio fultus prudentum, & Marte secundo,
Te, quocunque vocat Regem fortuna sequemur.*

*His Paulus, Bon-acord Consul Menezius urbis,
Subjecit pauca hac, simul ac data copia fandi:
Quid tibi, tot Regum, repetenti exempla potentum,
Majores referam? quos solus maxime princeps,
Omnigenâ, præstas Reges virtute priores,
Majestas, stabili referens bonitate parentem,
Augustum cepit, fausto sub sidere nomen,
Imperii omen habens, certis ut creditur astris:
Defensor Fidei, regni Rex triplicis, unus
Es Pacis, Martisque decus, Rex maxime, cives
Nos, Abredonâm, musis suffulcis, & armis:
Quam villam accepit, statuitque Gregorius urbem
Primus, & erectam, post magnificentia Regum
Scotorum, variis ditavit regia donis:
In quam, plura potes Rex his, conferre benigne,
Si placet; & sat habent, urbis te sospite cives:
Pace tuâ, gaudet Bon-acord, Respublica Pace
Florens, perfruitur requie, terrâq; mariq;
En tibi nos, urbem, Patriam committimus omnes,
Hac animi grati, Princeps cape pignora nostri:
Vtere sorte tuâ, datur aucta, prospera semper
Virtuti fortuna Comes; majora supersunt*

*His, tradenda tibi, Rheni quem suspicit heros,
Augustum, quem fata vocant, timet acer Iberus.*

*His dictis, magno resonant, ex arce, fragore
Bombarda, pulvisq; globis immistus, ubique
Sulphureis volitat, crebris micat ignibus aether,
Concutiturq; solum jaculis, & tecta domorum
Alta tremunt, oculis visus non, auribus, est vel
Auditus, pulvisque diem, caligine fuscatur:
Hinc, lecti juvenes, confestim, compita firmant,
Armis conspicui pulchris, scloppisque parati,
Signum exspectantes, quo facto, tessera, cives
Per medios transit, sonitum dat buccina raucum:
Arma, viri fortes, lychnos aptate, decorus
Ductor ait, simul hoc; partes jaculatur in omnes:
Inque vicem subeunt, primis, statione remissa
Succedunt alii semper, sociosque sequuntur:
Scloppis displosis toties, ferit aëra vastum,
Diffultans crepitus, multiplex redditur echo
Ædibus ex amplis, & Regia tota coruscat.
Ætneus credas fratres, aut cudere ferrum,
Crebra Iovem nimbis, aut fulmina mittere nigris,
Sic geminant juvenes sonitum, ingeminantque vicissim.*

*Ducitur interea, longo Rex agmine, sedes
Ad sacras, ubi stat regali Regia luxu:
Magnificoque domus solio decorata, Tribunal
Sustinet, ad laquear, gemmis, auroque refulgens.
Ars hominum, gradibus senis, hoc cinxit, atrinque
Bis totidem, rabidis feritate leonibus auxit
Marmoreis, fulvo circum rutilantibus auro.
Iustitia, & Pallas stant hinc, Clementia at illinc,
Et Bellona potens, quam Pax complectitur adstans.
Non, structura Throni, Salomonis eburnea talis,
Assueri aut fuerat Regis, Ninive potentis,
Est qualis CAROLI fabrica, & præstantia sedis.*

Atria

*Atria tum subeunt Comites, sublimia, summi
 Ordinis, ac Aula illustris, loca singula, certis
 Praesidiis firmant, vigili, custodia cura est.
 Privatum demum, referunt suffragia, rebus
 De variis, Regni que statu, Regi que coronâ
 Tradendâ, bellique malis, & Pace sequendâ.
 Post ubi digressi, primis se sedibus aptant
 Nobilium primi, Regum de sanguine nati,
 Cultores divum, venerandus Episcopus, Abbas,
 Praesul, Doctores verae pietatis amantes.
 Hic, bonus in sacra, sese Levinus ade
 Sistit, Hamiltonus claris oriundus ab Anglis,
 Huntlaeus amor Borea, Fidusque Comarchus,
 Gordonidum clarus Princeps, Murravius acer,
 Sanguineoque jugo flagrans Errollius Heros,
 Kethus, Areskinus prudens, Duglassius audax,
 Monrosius cum Melrosio, stat Scotus honoris,
 Et plures alij; quorum prosapia Regi
 Nititur, hic Clerus, Baro, Civesque fideles,
 Auratiq, suis Equites, in sedibus, omnes
 Inclinant: Kethus pulchro quos ordine, rexit
 Martius, & propria Comites in sede locavit.
 Hos inter, CAROLUS, Scotis spectantibus, unus
 Aureus incedens, Comitum perstrinxit ocellos,
 Insertis auro gemmis trabeatus, amictu
 Argenti texto filis succinctus, in ostro
 Purpureo, asterijs Rex splendens, unio quarum,
 Hexecontalibos, Adamantem, luce corusco
 Etiten, sagdas, certabat vincere raras,
 Beryllos, ammochrysos, virtute smaragdas.
 Rex quibus ornatus, radiabat lumina plebis,
 Pacifici Regis gnatus, successor, & haeres,
 Triplicis, illustris Regni Rex, atque Monarcha.
 Aureus exoriens, ut Sol, splendore Planetas*

*Præcellit reliquos, tenebrasq; repellit opacas,
 Splendorem comitum, vicit sic gloria Regis:
 Dignus ad occasum Rex, qui moderetur ab ortu
 Solis, & à Thule, qui temperet usque tridenti,
 Ad Gades orbem, dignus Diademate Patris:
 Dignus qui præsit Scotis, & rudera chari,
 Sparsa Palatini, reparet contermina Rheno.
 Ut consummetur crescens decus, ardet inungi,
 Scotorum, CAROLVS Magnus Rex, auspice CHRISTO:
 Ergo exsem manibus, Sceptrum, Diadema decorum,
 Pratendens custos, tunc Archiepiscopus, alnum
 Alloquitur Patrie Patrem, sic ore profatus.
 Maxime Rex Regum, debentur jure paterno,
 Regna tibi soli, divino numine, trina;
 Obsequium tibi nos debemus, tu quoque Scotis
 Præsidium debes, rebus solamen in arctis,
 Conciliare tuis, debes Rex inclyte Pacem,
 Consiliis uti prudentum, commoda plebis
 Prospectare, malum propellere, corde virili:
 Hæ Regum vires, sunt hæc fundamina Regni,
 Hoc columen populi, constans, hæc vincula plebis,
 Hæc Reges fecere, quibus felicia regna.
 Verùm tanta tibi, juvenili in corpore, virtus
 Enitet, in dictis gravitas, constantia in actis.
 Enthæa vis, sana mentis, prudentia cordis,
 Ingeniumq; sagax, vires, quæ pellere possent
 Hostis conatus; pacem proponere firmam,
 Scotorum genti, privata rependere damna.
 Dotibus his fidens, Pacem speravit, & urget
 Europa optatam, per te, ne pascat inanem
 Spem, bello ruptas, firmato sœdere gentes.
 Quod nostrum est; vitam, fortunas, quicquid habemus,
 En! tibi pro Patria nos solâ pace vovemus.
 Si fieri posset, pacem Concordia præstet*

Gensibus

*Gentibus externis, vigeat Respublica Pacis,
 Hanc, DEVS immisit terris; ut sanguine nemo
 Fœdaret sese fratris, quam poscis & ipse:
 Invitum sed te, Regum ter maxime, fecit
 Participem belli, FRIDERICI martia virtus
 Principis, hunc primum vexavit sava tyrannis
 Caesaris, inde Danos, nunc bella timenda geruntur
 Fatalis Gothi, magno molimine, Captæ
 Sunt Aquilæ, quamvis cum cade, potentis
 Gustavi Regis, quem cassum lumine, gentes
 Tot sociæ, merito deslent, multaque phalanges
 Scotorum, fuerat cuius mors, maxima clades
 Victorum castris, luctus nostratibus ingens
 Exitit, ad summamque rei, non est leve victis
 Momentum, Suevis faveat fortuna precamur.
 Ipse Palatinis Rhenanis, sentiat hostis
 Te superesse tuis columen, pulchraque sorori,
 Et gnatis charis orbatis patre, renatum
 Præsidium, quorum res, & spes una recumbit
 In solum te, tu vires, animumque ministras
 Omnibus his, solus, Fidis das omnia Scotis,
 Divitias, decus, & pacem, cum terra rabescat
 Saxonix, & madeat clarorum sanguine Regum:
 Eia, age, Rex sequitor Pacem, vestigia magni
 Observanda premens Patris, certamina martis,
 Consiliis Rex tolle tuis, nec parta cruore
 Regna, sinas iterum, multorum cade revelli
 Invicte; ut gentes Scotos vereantur, honorent
 Externa: Bohemis referet sic, omnia tempus
 In melius; fies diris, tu terror Iberis,
 Terribilis Papa sociis, charusque Britannis.
 Hoc ut nunc præstes, cunctis, bonus excitat intus.
 Te genius, Rex magne, lares hi, turma potentum
 Anglorum, Scoti procures, & clarus Hibernus.*

Quod superest, sacro Capiti, Diadema paratum,
 Quod gessisse ferunt, per tot jam secula, Reges
 Sceptricos Scotos (parvo non constitit) ense
 Hoc, Martis rabiem contra, munitur acuto
 Ancipiti, Scotos ne vexet sava tyrannis.
 Regum sævitia, est bellum. Clementia verò
 Incerti populi, constantem præstat amorem.
 Nemo, suo tutus merito Rex, indiget ullis
 Præsidiiis clemens, sed cum res postulet, arma
 Nunc ornamenti causâ, nunc promptus in omnes
 Eventus habet, ut fidos tutetur amicos,
 Et Patriam charam, audaces ut subjuzet hostes.
 Triplex officium, sed signant symbola trina
 Hac, populo Pacem demonstrant sceptrâ, sed ensis
 Iustitiâ, regimen clarum, diadema virorum:
 Te conferre bonis Pacem, sic plectere iniquos
 Suadent, ut regni serves moderamen arvitum.
 Et distincta licet, sint in se, munia trina;
 Regibus in cunctis, tamen hæc conjuncta coibunt:
 Exuere hi vellent ni sacri nomina Regis,
 Quod DEUS avertat; nam Rex præponitur unus
 Civibus, a CHRISTO, princeps qui Pacis habetur,
 Et legum lator summus, moderator & æquus:
 Consimilis fias illi, regnare potenter
 Si cupias, puram, ac sanam servare memento
 Usque fidem, & populi fastum franare rebellem.
 Est contrâ, plebis munus, parere libenter
 Nativo regni Regi, Patriæque parenti.
 Hoc ad præstandum astricti (de more recepto)
 Rex, sacramento magno, cum plebe vicissim,
 Omnipotente DEO coram, cætuq; virorum:
 Progreditur tandem, perfundens chrysmate mystes
 Lustrali, cinxit CAROLI, diademate sacrum
 Rite caput; Felix quod sit, faustumque precatus:

Divinos

Divinos hymnos, dulci modulamine, vatis
 Psalmographi, cecinere chorus, mystag. canori:
 Plebs adstans, tollit tales ad sidera voces,
 Vivat Rex CAROLUS, magnis semperque Britannis
 Imperet, & nati natorum, secula mundus
 Dum volvet, Patria teneant moderamen avita:
 Hæc ubi dicta dedit populus, clangore tubarum
 Audito, increpuit sonitu bombarda repente,
 Dissultant scloppi juvenum, cælumque remugit:
 In triviis structus, pellucet plurimus ignis,
 Latanturque focos circum, tædæque ferentes
 Exultant cives, Saliorum more decenti:
 Flammiferas demum, Vulcani viribus, artes
 Proponunt, noctu stellarum luce videndas:
 Cum Leopardo acres videas junxisse Leones
 Vnanimes, Aquilam contra, regnare volentem:
 Ore fero flammæ, sævum eructare Draconem,
 Horrentem rigidis squamis, setisque Medusæ:
 Hostiles acies confertas, spicula Martis
 Vibrantes, Pacem mediis in millibus, unam
 Cernere erat, belli tentantem tollere causas,
 Et finem pugne fessis dare, fœdere factò:
 Hinc ubi perversam, flexit Concordia turbam,
 In partesque suas, traxit Pax aurea, tela
 Vibrat ad Auroram surgentem, exercitus omnis
 Pertransitque citò: belli tractura procellam
 Creditur, in Turcas ditos Pax, Dî benè vertant,
 Avertantque feros enses, a corpore CHRISTI,
 Latitia, sint fausta bonis, hæc omina Scotis.
 Aurora interea radiis lustraverat orbem,
 Rege coronata, celebrant comitia, clari
 Magnates populi, CAROLO sub præside summo,
 In quibus, illustribus regni moderamen avitum
 Servatur, legesque nova, veteresque rogata:

Legibus his latis, solio Rex fatur ab alto,
 Ex animo, laudare DEUM se dixit (ut equum est
 Scotigenas omnes) firmâ pro pace suorum,
 Posse suos passim, ferro proscindere terram
 Intrepidè agricolas, & molles carpere somnos,
 In campis placide, fas, & jus dicere plebi
 Equos pratores, quos nusquam classicus horror
 Terreat attonitos, rabies aut martis anhelis,
 Bellatoris equi aut fremitus, cædésque virorum:
 Et curaturum semper, pro viribus, aucta
 Ne detrimentum, capiat Respublica quodvis
 Scotorum, quamvis savis Mars increpet armis,
 Per gentes quasdam, quâ Phæbus surgit Eous.
 Ex bello pacem fieri, nunc bella Minervæ
 Consilio, ex aequis causis suscepta, gerenda
 Esse, bonos omnes se scire, trophæa parentum,
 Et Patriæ decus, (ut vitam) se velle tueri.
 Assensere viro procures, CHRISTVMque precati
 Vnanimis, Regum, qui quò vult, corda potentum
 Dirigit, ut CAROLI vertat Cor, ad optima quæque,
 Quo præstans gentes celebretur fama per omnes.
 Leges inde ferunt, de Religione tuendâ
 Sincerâ, ne quis, puri inter semina verbi,
 Dissidij lolium, spargat Papista malignus,
 Sancitis divûm sacris, rebûsque peractis,
 Quæ populi requiem curant, Comitæ tandem
 Solvuntur, procures surgunt, ademptq. relinquunt
 Regalem, & Regem nudato vertice stipant.
 Turba domum, & Cives redeunt, indagine factâ,
 Pars procerum cingit saltus, canibûsque fugaces
 Venatur cervos, Anglorum at turba studebat
 Spectatam BON-ACORD Urbem, Civésq. videre:
 Hic ubi se sistunt Comites; humaniter omnes
 Accipit CONSVL prudens, variisq. refecit

*urbis lautitiis, habito sermone subinde,
 De bello, & pacis fructu, Regisque salute
 Omnibus optandâ Scotis, qui prospicit unus
 Illorum paci, decus & tutatur avitum.
 Lustrato emporio, campis, flaviisque, Britannii
 Sape valere jubent BON-ACORD, Civésque virorum:
 Delicias, titulis Pacis quos Fama beavit.
 Sic adeunt hilares Regem, cui singula narrant
 Anglorum procures. Ast Rex majora volutat
 Pectore, Londinum properans, sedes ad avitas
 Tendit iter, gestis nutantem ut temperet orbem.*

*Neptunus veluti, Tamesi, Dævâque relictis
 Ad tempus, dilecta Dæ, Forthæque fluentia
 Invisens, Irim prudens conscendit aquosam:
 Hinc, rapidos Nymphis, stagnantes reddidit amnes,
 Nereidum cætus, tacitis ut luderet undis.
 Sed simulac sensit Tiberim, rupisse marinos
 Fluëctus, Danubium, ac Rhenum superasse potentem,
 Et freta velocem pertransivisse Danorum,
 Fluëctibus immerisit sese, Tamesimque recepit:
 Hinc subito, flatu violentos sustulit Euri,
 Oceani furias, nutu compescuit omnes,
 Ac Maris infregit murmur, sævôque tridenti,
 Neptunus tumidas Tiberinas reppulit undas.
 Haud secus, ad Scotos venit, Sceptroq. potitus
 Londinum tendit CAROLUS, Comitesq. sequuntur
 Nobilium procures, ut Pacem, Marte ministrent.
 Ast, belli vexata malis, PAX alma nefandi,
 Inter spem stetit, atque metum jactata, periclis
 Tot Martis labefacta, per extera Regna furentis,
 Hortatu tamen illa Deum, precibusque bonorum
 Erexit sese, mentem, virésque resumpsit
 Majores, Civés BON-ACORD PAX auxit honores
 Vnitos stabili nexu, fovitque benigna.*

*Tunc chari placide sequitur vestigia Regis
 Musarum comitata choro. Cum Rege Britanni
 Progreſſi, indigenis Scotis, Angliſque valere
 Inſiſſis, Londinum redeunt Pacemque reportant.
 Proſperet hiſ reditum, ſaveat Fortuna precamur
 Cæpiſis, ad dignos perducant numina fines.*

Regis cor, quocunquè vult,
 inclinabit DEVS.



94

74